



5 №

ноябрь 7 лун

2014 во



Ы шыпас пытшкө серпасалі ю. А дорөсөдыс серна пасйи берөгсө, мунымөс. Сійө тшөтш уна пөлөс, быдсяма мича сера.

Юыс век вежсьө. Эм шусьөг: оз позь пө кыкысь пырны өти и сійө жө юө. Видзөдлыны кө газетысь лысь нырвизьсө, юыс быгтьө сэтшөм жө, и нимыс өти, а кывбурьяс, висьгьяс век выльөсь. Шыпас помас чукыль-мукыльясыс - аслыспөлөс пасьяс: юыс пансьө шорсянь, визувтө да усьө саридзө. Гөгрөс пасьясыс видзөны юсө, сетөны сылы вын, найө быгтьө бабьясөн кыөм гөгрөс джодждөраяс, и кор воськовтам на вывті, вуджам кытшсө - миян ловным весассьө став лөксыс. И тайө «Ы» газетас йөзөдчөмыс тшөтш весалө ловтө, кыпөдө.

Ы шыпас рисуйтөмыс меным сетіс мөвп водзө сөвмөдны ассьым серпасалан уджөс.

Шыпасыс вайө миянлы оз сөмын шы, а сы пыр воссьө дзонь енкөла.

Вот татшөм шензьөдана тайө Ы-ыс.

Юрий ЛИСОВСКИЙ



ГИЖЫСЬЛӨН КЫВ

Нина Обрезковалон кывбурьясыс кысконы нао гзбём сёлөм дойнас, олөм йылысь мөвпалөмнас, еньюгыд вöсна майшасьёмнас. Быд лыдгысысь вермө гумовтны наысь кутшөмкө вочакывъяс. Но став олөмтө кывбурьясаг он вермы петкөдлыны. И тайо номерас ми асьным сетам поэтлы юалөмъяс, мед восьтыны збыль олөмсыс ичотик юкөн.



- Кокни либө сьökыд аддзыны мортлы шуд? Мыйын Тиянлы шудыс?

- Юалі ассым: шуда-ö ме? И аслым вочавидзи: шуда! Юрвевт эм, ог тшыгъялөй, ноксям сійөн, мый кажитчө, челядь быдмисны да быдмөны на, верос радейтө, ме сійос тшөтш... Мам тай эз ло, да сьökыд-джык лов вылын. Кыдзи аддзыны шуд? Ме ог төд...

- Кутшөм небөгөн Ті он вермөй пөтны?

- Татшөм небөгыс уна... Бруно Ясенски, Кундера, Кушмановлөн кывбурьяс, Платоновлөн «Джан», Андрей Поповлөн «О любви и смерти» небөг. Небөгсыс медводз корся меён төдлытөм на мөвпгьяс - сзки юрид и лолыд заводитө уджавны... А аддза кө мөвп, коді меным төдса, ыджыд кыпыдлун чужö...

- А мыйысь Ті медся ёна поланныд?

- Мыйысь ме пола? Вöчны кодыкө дой. Челядьлөн висьöмысь, кор ме нинөмөн ог вермы отсавны... Öнi ёна куті повны войнаысь, ог ас понда майшась - мыйкөдыра олөма нин, а вот челядь вöсна сёлөм потö...


- Кутшөм туйөд (ордымөд) Ті радейтанныд ветлыны?

- Радейта ветлыны ветлывтөм на туйясөд... Радейта ветлыны төдса туйясөд...

Рытъя кыаён енэжыс пөртмасьö...
Тайö каднас эн тэрмась тэ шойччыны.
Аддзан, ю шöрын дзодзöгыс вöтасьö,
Берег пöлöныс бадь пуыс очсалö.

Сöстöм ёль бокын йöра ваасьö,
Кылö шпорöдчöм вöрса пöткэлöн.
Лöня-лöня зэв мазі маасьö,
Бөръя войтъяссö дзоридзысь öкталö.


Кыдз пу коръясöн тöлыс лолыштіс,
Турун сі вылын лысва доршасьö...
Ставыс ланьтöны, но тэ олышт на,
Кывзышт вөр-валысь лöньöм лов шысö.



Малямүш

*Серпасалис Светлана Сажина,
Ю.А.Спиригонов нима «Коми Республикаса Юралысь бердын искусство гимназияын 6 «в» классын велöдчысь.*

3



Пу кор

*Серпасалис Фёдор Анчиков,
Ю.А.Спиригонов нима «Коми Республикаса Юралысь бердын искусство гимназияын 6 «в» классын велöдчысь.*

Ыджыд пуыдлысь ичöтик чаль
позьö чегны, и некод оз тöдлы.
Сöмын, тöданныд, меным зэв жаль:
оз сет олöмсö чаллыс выль рöдлы.

Ыджыд мирыслысь ичöтик кыв
позьö вины, и некод оз аддзыв...
Сöмын мирыслöн öтувъя мыв*
лоö розя, и тыртöммас надзöн.

Меным öткодзьöсь: кыв көть, көть чаль,
найö видзöны енъюгыд мусö.
Тшöтш и тиянлы лоö, дерт, жаль,
друг кө олöмыс му вылас кусö.

Мыв* - мывкыд.

МӨВПСЯМ

Шензъы, радлы, нимкодясь!


Дона лыддысьысь, чолөм! Со и усис медводдза лым. Гашкө, сійö тэныд виччысьтөм?! Ме тай сьёлөмнам эг на вөв дась синмасьны ськөд-а. Но мый сэсса вөчан?.. Кадыслөн аслас төжд-могыас.

Лымсö таво паныдалі музыкаөн, кывзі Жанна Бичевскаялысь «Родник» сьыланкыв. И төдан, енэжыс воссис, и мусö нбжйөнник вевтгис вöсни еджыд чышгьян. Думöй вайöдіс менö вичко дорö. Кылан, кутшöм лөнь? Татшöм здукьясас век кодкө йылысь мөвпыштлан. Та йылысь чөв ола... Но вичкоыс казгыштгис меным Россияысь төдчана художник Сергей Андриякалысь серпасьяссö. «Мастер и ученик. Школа акварели Сергея Андрияки» выставкаөн төдмасы тавося сентябр төлысьын Сыктывкарса национальной галереяын. Мый менö шензьöдіс? Ставыс. Быд серпасын - олөм. Казялі, мый Сергей Андрияка тшöкыда рисуйтö вичко, ва, дзоридзьяс. Ставыс тайö - пасьяс. Ме юаси экскурсовод Людмила Кочерганлысь, мыйла сьлөн та мында вичкоыс? А сійö вочавидзис, öти кадö пö олөмсьыс мунöмаöсь кызы кымын зэв матысса морт. И көть художниклөн лолыс доймалөма-жугласьöма - сөмын Енмыс, бурас эскөмыс лоөма пыкөдөн.

Сергей Андриякалөн эм аслас школа, көні сійö велөдö том йөзöс серпасасьны. И выставка вылын позис төдмасьны и велөдчысьыслөн уджьясөн. Киподтуйныс бура нин төдчö. Шуам, Полевая Полиналөн серпасыс сьблөм вөрзбөдана, югыд. Ошпи чачасыс аддзан сэтшöм мелі, юмов кад! И дзоядырсьыд став аканыд вежөрад волас. Нывкалөн серпасыс мен выльысь козналіс челядьдырөс.

Менö чуймөдіс сійö, мый художник оз вөдитчы карандашөн, а пырысь-пыр рисуйтö акварельөн. И быд серпасын төдчö аслыспөлөс ру, быд визьын - радлун либö дой.

Сергей Андрияка серпасалö кө, шуам, вичко либö натюрморт - кылан наысь öткалун. Но видзөддасыд другысь кыйö чуймөдана визь, көні эм выльтор заводитчөм. Матыстчан, шуам, вичко серпас дорö.



Аддзан сэсь тулыс. Но и кылан помасьлытём чөвлун. А сэсса казялан пу вылысь лэбач поз. И юрад чужё мөвп: регыд лунвылысь воасны лэбачьяс да овмөдчасны позйö, а вичко гөгöрыс тырас налөн дзользё-мөн.

Андриякалөн серпасьясын - быдсяма пөлос чвет: катшасин, роза, сирень, ландыш... Рисуйтöма найöс то косьмөмөн, то ловьяөн. Но кылан - дзоридзьясис йитчөмаось оломсьыс тöдчана здукъяскöд. И рөмьясыс петкөдлөны налысь ловшысö.

Дона лыддысьысь, ме ог радейт, кор меным козыналөны дзоридзьяс. Найö синтö неуна гаждыштöны, а сэсса кадыс юö-косьтö ловнысö, и найö пөрöны вуджөрö. Гажтём сэки овлө... А со любуйтча Андриякалөн чветьясөн, и быд дзоридз казтыштö оломсьыс ярьюгыд лун. И тайö серпасьяснас верман помтөг овны. Сергей Андрияка налысь дженьыд здукьяссö колис кабала вылө. И тайö чветьяссö кадыс оз куж пöртны посни косьмөм торпыригö да нуны төвруөн...

Шензёдiс нöшта и сийö, мый школабислөн торья пасөн лоö ирис дзоридз! Но выставка вылас тайö чветыс эз вöв! Книгаысь корси сылысь вежөртассö. Вөлөмкө, ирис - вежавидзём, надея, эскөм, повтөмлун, бур юөр. И став серпасыс Андриякалөн таён лолалис.

Людмила Кочерган тшöтш висьгалис, мый художниклөн творчествоын тöдчана образ - ва. Уна серпасын ваыс визула. Гөгөрбок кадыс оз кыв. Но ваыс быгтьö ловья. Гашкө, сы вöсна, мый ваыс петкөдö мортöс Туй вылө и пöткөдö ловсö сöдзлунөн.

Дона лыддысьысь, ме радейтчи Сергей Андриякалөн серпасьясö! И тэ тшöтш воы сылөн выставка вылө. Шенззы, радды, нимкодясь!



Любовь АНУФРИЕВА.
Серпасьясыс Сергей Андриякалөн.



СЬӨЛӨМҮН ЙӨЛӨГА

Мыйта позьё
Зыксьыны
Да вир кисьтны
Сы понда,
Кыдзи пасйысьны ен водзын -
Кык чуньён,
Куим чуньён
Либө таdzi: быттё ва улө содз лөсьөдін...
Юалöй эсийö зонмыслысь,
Тиянлөн вежа тышын
Коді воштöма кисö...
Либө этайö аныслысь,
Коді сикт помö
туй талис -
виччысьö писö...

Тайö кывбурсö Евгений Козлов гижлöма во гас вит сайын. Дерт, сийöс сэки вөрзёдiс Афганистанын пансьöм война. Миянлөн уна тöгса усис сэни. А унаöн психологическöя чегисны, эз вермыны петны сэсь. Кывбурыс Е.Козловлөн став войнаыслы паныг Кыв. Афган бöрын вöли Чечня, сэсса Грузия, öни Украина...

Ми асланым газетын панiм сёрнисö эг сёрни раги, а медым висьтавны ассьыным видзöдглас, ассьыным дой. Да шуны мирыслы: дугöдöй Му вылас войнасö!

Елена АФАНАСЬЕВА

«Мыйта позьё зыксьыны да вир кисьтны...»

Октябрь 10 лунö «гöгрöс пызан» сайын чукöртчылисны Ю.А.Спиридонов нима «Коми Республикаса искусство гимназияын» коми кыв да литература велöдысьяс и гуманитарнöй юкöнысь 11 класса велöдчысьяс, а сiдзжö Россияса гижысь котырö пырысь Елена Афанасьева. Сёрниыс мунис коми поэт Евгений Козловлөн «Мыйта позьё зыксьыны...» кывбур серти. Но гижöдлөн шöр мөвпыс кыскис и мöд сям сёрни - öнiя кадö мунысь тыш вылö видзöддас.

Лидия Зварич, велöдысь:

Тайö кывбурыс зэв ёна лöсялö öнiя кадлы. Быд строка йылысь позьё уна сёрнитны. Тыдалö Евгений Козловлөн гижан серыс: гженьыг кывйөн гжуджы-га да уна висьтавны. Абу важнö, куим либö кык чуньён пернапасасыны. Медшöрыс - мег тэ пытшкын вöли эскöм.

Эскан кö Енмыслы, олан сылөн заповедьяс серти, оз лоны тышьяс и йöзлөн доймалöм. Война - тайö вир кисьтöм. Медводз сийö колö олигархьяслы, когьяс кыскöны мисьтöм уджас прöстöй йöзöс, когьясöскö ньöбöны. Пырöдчыны кö зэв важся кагас, вир кисьтöм вöли йитчöма жертва вайöмкöг. Медым видзчысьны лекторйысь, водзвыв быть вöли кисьтны вир (енмыслы козин пыдду). Кымын унджык киссяс вир, сымын унджык воас бурыс. Абу весиг озырмöдчöм понда.

Мыйкö быттё татшöмыс öнiя войнаас эм жö:

жертвуйтöны прöстöй йöз вирөн, медым мынтöдчыны наысь, когьяс мешайтчöны, торкöны американечьяслы йöз му вылын выль «лөсьыг» олöм тэчны. Власьт-бергса украинечьяс ошкöны налысь «водзмöстчöмсö». Тайö петкöдлö, мый вöвлöм «окраинаын» олысь йöз оз велавны мөвпавны асишöра, налы абу дона вужьясыс. Сэтшöм йöзыс слабöсь. Сетчöны мегалöм улö. Мунöны ас войтыр вылö...

Менам чайтöм серти, бур олöмыс öтувтчöмын да ёртасыöмын.

Алёна Третьякова:

Кывбурас кыпöдöм медшöр мытшöдыс - йöзыс панöны тышсö асланыс эскöм понда. Когьяскö кöсийöны öти ног юрбитны, когьяскö - мöг ног. Та понда на костын пансьö тыш, оз вермыны сёрнитчöм отсöгөн венны лөгасыöмсö да.

Алёна Шомысова (Старцева), велöдысь:

Ме думысь, тайö кывбурыс кутö зэв гжуджыг вежöртас. Тöгчö, авторлөн



петö лөгыс тыш паньсыяс вылö, сы вöсна мый найö зурöдöны ассьыныс войтырьяссö эскöмныс вылö ыстысьёмöн, быттьöкö Енмыс абу öти, либö кутшöмкö му юкөн мырдгьём могысь. А öг татшöм тыш вылö медводз шыбитöны том йöзöс, когъяс корсюрö весиг оз гөгöрвоны, мый вöсна тышкасьöны.

Шуам, öнi Украинаын мунö тыш. Ас йöз виалöны ас йöзöс; войтырыс татшöм ногөн бырöдö асьсö. Тагзи жугалö войтырыслөн мөвпаланногыс, государствойс.

Йöзыс, когъяс воштöны тыш вылас медся матысса-яссö, рöдвужсö, дугдöны эскыны вылын пукалысьяслы. А гашкö, и дугдöны эскыны Енлы...



Полина Игнатова:

Ме думысь, войнаыс пансьö оз эскöм, а официальной помкаяс вöсна. Чина йöз збыльмöдöны тыш отсöгөн ассьыныс мог, и найö веськöдлöны салгатъясөн кесйылöсөн моз. А салгатъяс тышкасьöны дзик мöд помкаяс вöсна.

Анастасия Зиновьева:

Тайö кывбурас гаравсьö вежа тыш йылысь. Мусульманалөн тышыс лыдгыссьö вежаөн. Налысь эскöмсö кö сералан, тэнö ловйөн оз кольны. Дас заповедь эм и мусульманалөн, и буддистъяслөн, и христианалөн. Но Енмыс öти.

Йöзыс пыр мый вöсна кö тышкасьöмаöсь. Му пуксьöмсянь кö босьтны, сöмын кумсё лун абу вöлöма некутшöм кось. И век жö öг гөгöрво, мый понда öнi тышкасьö Украинаса войтырыс. Великой Отчественной война дырйи миян гедъяс тышкасисны, медым ми вервим овны лöсьыда, мед ми тöдiм налысь подвигсö. А позьö-ö шуны подвигөн украинечьяслысь тышсö? Сöмын виалöны ас йöзсö...

Питирим Сорокинлөн эволюция теория серти кö, ставыс гзугсьö, и тэ он тöд, когi бöрыннас лоас вылысас. Украинаын öнi тагзи жö. Колö мунны оз революция, а реформа туйöд. Оз тыш панны, а йöзыскöд сёрнитны.



Мария Михайлова:


Евгений Козлов петкöдлö йöз вежöрлысь тшыкöмсö, сы вöсна мый ичöт помка вöсна киссьö вир. Йöзыс öткодъöсь, кöть кутшöм Енлы он эскы. Эскöм понда тышкасьны оз позь.

Раиса Вагнер, велöдысь:

Тышъяс пырджык панлисны экономика помка вöсна. И миян нэмö - тшöти. Кывбурсö кö гижöма гас вит во сайын, сiдзкö, сийö йитчöма Афганистанкöд.

Помнита Евгений Козловлысь Чечняса косьлы сийм кывбур. И сэки, и öнi Украинаын йöзсö «шырöны». Тайö мытшöдыс век лоас. Нинöм вылö вигзöдтöг мам кутас виччысьны писö. Тышъяс некор оз помасьны. Йöзыс оз вермыны овны лöня.

Неважөн Дагомысын вöли форум, и сэнi вöзйисны велöдны этножурналистъясöс, сы вöсна мый колö тöдны сийö кывсö, кöни тэ олан. Чайта да, национальной мытшöдыс öнiа кадö медся ёсь.



Кыдз пу

Коркө өти пөчөлөн нучкаыс висьмис. Юксис тайё шог юорнас пөчөбүд төдса суседыскөд, а сусебүд шуө:

- Ветлы Вой нөрыс йылө, тэ сийө местасө төдан. Копыртчы медся мича кыз пуыслы да кор сылысь зарава. Тайё зараваыс абу прөстөй, а бурдөдчан. Ичөт нывкатө юктөдан, и көрт кодь бөр лоас.

Мунис пөчө Вой нөрыс йылө, корсис медмича кызтө. Копыртчис сылы.

- Кыдзөй-кыдзөй, пашкыр юрөй, вай отсав меным, - шуө пөчүд пуыслы. - Вичмөдышт юмов зараватө. Ог тай аслым кор, а нучка ради. Висьмис ичөтикыс, оз сөй ни оз ю, неморт кодь лоис...

- Сямөд увсө неуна восьтышт, и петас зараваыс, - вочавидзө кыз пу. - Сөмын эн чашыы ёна, эн дойд менө...А то ачым вынтөмма!

Тадз и вөчис пөчө. И банка тыр зарава сылы вичмис.

- Ыджыд жө нин атгыө тэныд, дона пуөй, - бара копыртчыліс пөчө. - Мед дыр на олан. Котөрта, нучкаөс юктөда, а то дзикөдз висьмас...

Воис гортас да зараванад нучкасө юктөдіс. Гоз-мөдысь нывыштіс нывкаыд юмов вөлөгасө, - и пыр жө нумьёвтіс, чужөмбаныс гөрдөдіс, вирсяліс. Өти здукөн и бурдіс!

Гожөмбүд сэсса пөч дінас бабича моз сьыліс да йөктіс нывка. Майбыр жө нин сиктад! А арнас мам-бать дорас мунис, карө. Төвйис и мөд гожөмнас вильысь пөчыс дөрө локтіс. Пөчыскөд өтув өмидз да чөд вотіс, шондіыслы радліс. А сэсса нем виччысьтөг бара висьмис.

Пөчүдлы - бара шог. Юксис суседыскөд. И сусебүд шуө:

- Помнитан кызтө? Бара ветлы нөрыс йылас и сийө кызз пусө корсь. Но өні эн зарава кор, а корөсь вылө вожьяссө. Абу прөстөйөсь найө, зэв вынаөсь. Сэсса пывсян ломты да корөсьөд нывкатө.

Тадз и вөчис пөчө. Воис нөрыс йылө, адзис кызтө. Видзөдө: орччөн визувтись шорыс косьмөма, кушынын быдмысь дзоридзьяс юрсө өшөдөмабсь. И кызз пу тшөтш шөгө усьөма.

Копыртчис пөчө да нора шуис кыззлы:

- Бара тай тэ дөрө локті, дона кыздзөй... Отсөгла. Бара висьмис нучкаөй. Корөсьөдны пө колө...

- Локтін, и - бур, - вочавидзө кызз пу. - Сөмын тай эбөсөй бырис. Косьмыны куті. Сөмын тэ отсыштны верман. Эн дышөдчы да киськав вужьясөс ваөн, а сы бөрын чегьялышт вожьясөс корөсь вылад.

А пөчөбүд сьөрсьыс буретш туис босьтіс. Корсис матігөгөрысь ключ ва и пөтмөн киськаліс кызз пусө. Ловзис кызз пу, гажмис, радлунөн тырис, пашкыр юрсө весиг копыртліс, мед кокниджык пөчөлы вожьяссө чегьявны. Шөпкис: тадз пө и колө, талун тэ отсалан, аски - тэныд...

А пөчө регыд мысти гортас мунис. Висьталіс нучкаыслы кызз пу йылысь. Жар пывсянын ёнакодь корөсьөдіс нучкасө. И нылыд пыр жө бурдіс! Шуө:

- Пөчө, нулы менө мича кызз пу дорас. Ме сийөс лёк йөзысь дорйыны кута, керыштны ог лэдз и кос гожөмьясө ваөн киськавны мөда.

И пөчө сөгласитчис. Радліс: нучкаыс небыд сьөлөма мортөн быдмө.



*Серпасалис Мария Мишарина,
Ю.А.Спиригонов нима Коми Республикаса Юрالىсь бердын искусство гимназияын 6 «в» классын велөдчысь.*

Виктория УЛЯШЕВА,
Кулөмгін районса Помөсгін сикт.



Редколлегия :

Елена Афанасьева, Юрий Лисовский, Алёна Шомысова,
Галина Макарова, Григорий Хатанзейский.

